


難提釋經
馬有三相經
馬有八態譬人經
相應相可經

籍

二百八十四
思八

49599



四經同卷八

難提釋經

佛說馬有三相經

佛說馬有八態譬人經

佛說相應相可經

難提釋

西晉三藏法師法炬譯

聞如是一時佛行在俱舍梨國樹名_{屋拘類}是時多聚會比丘在迦梨講堂樹間會坐為佛作衣今佛不久夏竟夏已盡佛自說三月已竟作衣已當到多人處彼難提釋聞多聚會比丘在迦梨講堂樹間會坐為佛作衣今



佛不久夏竟夏已盡佛自說三月已竟作衣
已當到多人處難提釋已聞如是便到佛所
已到為佛足禮便坐一處已坐難提釋白佛
言如是我聞多聚會比丘在迦梨講堂樹間
會坐為佛作衣今佛不久夏竟夏已盡佛自
說三月已竟作衣已當到多人處我聞是即
愁憂所食不覺味諸方不分別所聞善法不
復念所作世間業不復著所以者何甚久乃
復得見佛并慧清淨行比丘難提釋言已竟佛
便報難提釋難提若見我身若不見我身若
見清淨行比丘若不見清淨行比丘常當行
內五法何等五一者意常當有信捨不信意

二者常當清淨行捨不清淨行三者常當樂
布施捨慳貪四者常當有慧捨癡五者常當
多聞莫樂不聞難提是爲內五事已當復有
六念何等六一念佛二念法三念比丘僧四
念戒五念施與六念天

難提若慧弟子念佛諸德佛爲有是爲如來

爲無所著爲一切覺爲神行足爲已快爲有
無量爲無有上爲男子師爲法御者爲天人
師爲覺有是若天若人若魔若梵若沙門若
婆羅門爲自慧證身生處已盡爲已著清淨
行所爲當自識但有是身從後不受難提是
時慧弟子意不著貪欲不著瞋恚不著愚癡

便爲直意慧弟子意已直已直意便得義便
得法便見法便大樂喜已喜便生樂從樂便
身滅身已滅便得安隱已得安隱便得定從
定便如知如見是爲苦諦是爲集是爲盡是
爲苦滅向道者諦難提若慧弟子在邪中爲
直念有恨意便爲捨意有所著便不受是爲
慧弟子樂道迹爲常念佛德

難提若慧弟子念法德佛所說大爲安隱爲
可見爲無時可相授可得持慧者讚可得出
可飽可依從法得離所處難提是時慧弟子
意不著貪欲不著瞋恚不著愚癡便爲直念
慧弟子意已直已直意便得義便得法便見

法便大樂喜已喜便生樂從樂便身滅身已
滅便得安隱意從安隱便得定從定便如知
如見是爲苦諦是爲習是爲盡是爲苦滅向
道者諦難提若慧弟子在邪中爲直念有恨
意便爲捨意有所著便不受是爲慧弟子樂
道迹爲常念法德

難提若慧弟子念比丘聚德佛衆弟子爲有
清淨爲有定爲有脫爲有脫見慧爲有行爲
有所得爲是世間福田少施得福無有量若
衆中有須陁洹爲信有須陁洹若衆有斯陁
含爲信有斯陁含若衆有阿那含爲信有阿
那含若衆有阿羅漢爲信有阿羅漢是爲男

子四雙賢者八輩人中第一人中之剛為人
師爲人中應受恭敬者是爲三界中最人難
提是時慧弟子意不著貪欲不著瞋恚不著
愚癡便爲直意慧弟子意已直已直意便得
義便得法便見法便大樂喜已喜便生樂從
樂便身滅身已滅便得安隱意從安隱便得定
從定便如知如見是爲苦諦是爲習是爲盡
是爲苦滅向道者諦難提若慧弟子在邪中
爲直念有恨意便爲捨意有所著便不受是
爲慧弟子樂道迹爲常念比丘聚德
難提若慧弟子自念戒德佛所施戒不可犯
不可輕不可毀不可弄不可試慧者從戒得

定從定便離受意不著世間譬如石破終不
復合難提是時慧弟子意不著貪欲不著瞋
恚不著愚癡便為直意慧弟子意已直已直
意便得義便得法便見法便大樂喜已喜便
生樂從樂便身滅身已滅便得安隱意從安
隱便得定從定便如知如見是為苦諦是為
習是為盡是為苦滅向道者諦難提若慧
子在邪中為直念有恨意便為捨意有所著
便不受是為慧弟子樂道迹為常念戒德
難提若慧弟子自念施與之德快哉我已得
作人於慳貪之中能自拔無有嫉之意為常
樂與為信所與後必當得少施所得無量從

施得無爲難提是時慧弟子意不著貪欲不
著瞋恚不著愚癡便爲直意慧弟子意已直
已直意便得義便得法便見法便大樂喜已
喜便生樂從樂便身滅身已滅便得安隱意
從安隱便得定從定便如知如見是爲苦諦
是爲習是爲盡是爲苦滅向道者諦難提若
慧弟子在邪中爲直念有恨意便爲捨意有
所著便不受是爲慧弟子樂道迹爲常念施
與之德

難提若慧弟子念諸天德第一照頭摩賴第
二初利第三炎第四兜術第五涅槃羅提第
六般泥迷陀和舍和提若從信若從清淨若

從聞若從施若從慧各有行得上是六天我
亦能行五法若信戒聞施慧從是因緣得生
天上難提是時慧弟子意不著貪欲不著瞋
恚不著愚癡便為直意慧弟子意已直已直
意便得義便得法便見法便大樂喜已喜便
生樂從樂便身滅身已滅便得安隱意從安
隱便得定從定便如知如見是為苦諦是為
習是為盡是為苦滅向道者諦難提若慧弟
子在邪中為直念有恨意便為捨意有所著
便不受是為慧弟子樂道迹為常念諸天德
佛說如是難提釋大歡喜受著意常行是六
念起座持頭面著佛足禮

難提釋經



佛說馬有三相經

後漢三藏法師支曜譯

聞如是一時佛在舍衛國祇樹給孤獨園佛
便告諸比丘善馬有三相用入官可給御中
王意得名為官馬何等為三相一者有善馬
意自能走二者有力三者端正好色是為三
相善馬中入官善人亦有三相自得善意名
聞亦豪舉人敬難之可受人禮能福天下何
等為三相有善人得意能走有力有端正色
何等為善人得意能走有善人得意是苦如
有知為是習為是盡敗為是道識如是善人

聞亦豪舉人敬難之可受人禮能福天下何等為三相有善人得意能走有力有端正色何等為善人得意能走有善人得意是苦如何知為是習為是盡敗為是道識如是善人得意為走何等為善人得意為力為有弊惡態當為斷盡力求之精進求者意棄惡未起弊惡態不復起末起善意當為起已起善意當為止不忘減稍稍增多行意俱善行盡力求制意棄惡如是善人得力何等為善人得意有色端正是聞有善人得意避五樂避弊惡能到四棄得行如是善人得意有色是為三因緣諦行善人得意名聞為能主舉人難之可取禮天下如是佛說如是

佛說馬有三相經



佛說馬有八態譬人經

後漢三藏法師支曜譯

聞如是一時佛在舍衛國行在祇樹給孤獨園多比丘僧俱佛告諸比丘馬有弊惡態八何等八一態者解鞞韉時便掣車欲走二態者駕車跳踉欲啣人三態者便舉前兩脚掣車走四態者便蹋車軫五態者使人立持軛摩抄車却行六態者便傍行邪走七態者便掣車馳走得濁泥扞止任不復行八態者懸兜餒之熟視不肯食其主牽去欲駕之遽舍喻嗔欲食不能得食佛言人亦有弊惡態八何等爲八一態者聞說經便走不欲聽如馬

喻嗔欲食不能得食佛言人亦有弊惡能入何等爲八一態者聞說經便走不欲聽如馬解鞫韁掣車走時二態者聞說經意不解不知語所趣向便瞋跳踉不欲聞如馬駕車時跳踉欲啣人時三態者聞說經便逆不受如馬舉前兩脚掣車走時四態者聞說經便罵

見
美
才
學
給
第
一
卷

卷
一

五

如馬蹋車軫時五態者聞說經便起去如馬人立持軛摩抄車却行時六態者聞說經不肯聽顛頭邪視耳語如馬傍行邪走時七態者聞說經便欲窮難問之不能相應答便死拙妄語如馬得濁泥便止不復行時八態者聞說經不肯聽反念淫泆多求不欲聽受死

入惡道時乃遽欲學問行道亦不能復得行道如馬懸兜餒之熟視不肯食其主牽去欲駕之乃遽哈喻噬亦不得食佛言我說馬八態惡人亦有八惡態如是諸比丘聞經歡喜作禮而去

佛說馬有八態譬言人經

佛說相應相可經

西晉釋法炬譯

佛在舍衛國請諸比丘比丘即到佛告比丘
比丘應唯然從佛聞佛便說是不聞者不聞

者俱相類相聚相應相可多聞者多聞者俱相類
相聚相應相可貪婬者貪婬者俱相類相聚相
應相可不貪婬者不貪婬者俱相類相聚相應
相可瞋恚者瞋恚者俱相類相聚相應相可
不瞋恚者不瞋恚者俱相類相聚相應相可
愚癡者愚癡者俱相類相聚相應相可慧者
慧者俱相類相聚相應相可布施者布施者
俱相類相聚相應相可慳貪者慳貪者俱相
類相聚相應相可少欲者少欲者俱相類相
聚相應相可多欲者多欲者俱相類相聚相
應相可不持戒者不持戒者俱相類相聚相
應相可持戒者持戒者俱相類相聚相應相

可難給者難給者俱相類相聚相應相可易
給者易給者俱相類相聚相應相可不知足
者不知足者俱相類相聚相應相可知足者
知足者俱相類相聚相應相不自守者不
自守者俱相類相聚相應相可自守者自守
者俱相類相聚相應相可佛說比丘如是慧
人當分別是因緣可行者行之不可行者莫
行佛說如是比丘受行著意

佛說相應相可經

思

難提釋經 不出字

馬有三相經 不出字

